



# تاریخ وادستان

۱۳۳۶ هـ



بر کون بیلنیر قیمتی مجموعه ملک اما  
پاک چوق آرانیر اورتده مجموعه بولمنز

ایتدک شرف خدمت اجدادی فراموش  
آمارینه اسلافزک رغبت اولمنز

لسانلرندن ماعدا اوروپا السنه سندن دخى بش لسانه آشنا اولوب اويله  
تکلم ايدردى که عرقنى لسانه متکلم اولسه کنديسنى او ملتن ظن  
ايدرلردى .

فطرت بشر بش اون لسانی او کرئمکه هر زمان مساعددر . کتبخانه لرمزه  
کتدکجه پک چوق اجنبی کوریرم و بیلسدیکم بعض فسلیرده تصادف  
ایده رک تعمیق ایلدکده آنثرینسک فس کیمش اجنبی اولدیغنی اکلارم .  
ومطالعه ابتدکاری کتابلر ، الک نافع واک قیمتدار آثار اسلامیه اولدیغنی  
کورده رک حیران قالیرم .

شوندن اکلایورم که « او قوماق بشقه او قویوبده وطنه خادم حقیقی  
اولق ایچون چالشق بشقه در » دیمش وزیرینه ده شو مطلع و مقطعی  
حاوی اولان غزلی یازمشدم .

هنرورلر یقشسون صنعت ایجاد ایلسون ملت

حمیتله چالشسون ملکی آباد ایلسون ملت

بو غفلتله کچرسه ای ( امیری ) وقت حاضرده

مزارستان ایچنده نظم می یاد ایلسون ملت

حالا جمله مزه الله انصاف ویرسون .

### قارص شهری حقنده بر وثیقه تاریخیه

بجوی تاریخنک ۲ نجی جلدینک ۵۶ نجی صحیفه سنده سلطان مراد  
ثالث قوماندانلرندن لالا مصطفی پاشانک ۹۹۲ تاریخنده قارص قلعه سنی  
مجددا بنا ایلدیکنی یازارکن شویله دینلیور :

« ومن عجائب آثار القدیمة . روم ایلی بککربکیسی محمود پاشا قولنده

الفاظ عربیه ایله یازلمش و تاریخ ایچون بر سنک مرمره قازلمش ۵۴۱  
تاریخنده ملک هنرالدین نام بر پادشاه کزینک وزیر فیروز نام بر نیک  
اندوز بو قلعه بی تعمیر ایتمش و آکا دخی بنده کریم الدین دینلمکله

مغروقه برخاتون عصمت قرین معاونت ومظاهرت ایلش ایدی . اول سنک کران یینه قاعه نك برخلنه وضع اولنوب اول آثار قدیمه ره رعایت اولندی »

بن بوفقره بی وقتیه پجوی تاریخنده نورمش ایدم برایکی کون اول بوندن بحث ایله قارص شهرینک قدیم الایامدن بری زیر حکومت اسلامیانده بولندیغنی بالمناصبه - ویلدم . حاضر بولنان مکتب ملکیه اذ کبای طلبه سندن مکرمین بک قوه حافظه سنه مراجعتله قارص حقنده تاریخی بعض نافع معلومات اعطا ایلدی . بو مستحضراتک مجموعه یه درج اولمق اوزره تحریر آ مختصراً بیان ایدلمسنی رجا ایلدم . در حال انه قلم آله رق شو سطرلری تحریر واعطا ابتد .

— قارص شهری —

ارضروم وحوالیسی ایله قافقاسیا وکرجستان و قتیله حضرت عمر وحضرت عثمان افندیلمزک زمان خلافتنده فتح اولنورق [۱] مرکزی تفلیس اولمق اوزره او حوالی بر ولایت حاله انراغ اولمش و«فتوح البلدان» کبی بعض معتبر تاریخلرده تفصیلاً بیان اولندیغنی اوزره هجرتک ۳۰۰ تاریخنه قدر بویه جه دوام ایتیش ایکن صکره لری او حوالیجه محلی بعض اغتشاشات ظهوره کلدیکندن ملوک سلجوقیه دن ۴۵۵ سنه سنده چلوس ایدن مشهور «الب ارسلان» معیتنده ترکان بهادرلری بولندیغنی حالده قافقاسیا وکرجستانه مستولی اولمش وجوار

[۱] وان شهری ، فاروق اعظمک فتوحانی زماننده موجود اولیوب یالکنز قلعه اوستنده آئوریلر دورندن قلعه بر معبد وارایدی . بوکا مبنیدرکه وادی کبی قدیم تاریخلرده وان شهری اسمی موجود اولیوب او حوالی فتوحانی «اخلاط» داخلنده در . هجرت سنیه نك برنجی عصری اواخرنده عمر بن عبدالعزیز حضرتلری زماننده وان شهری برایکی یوز خانلی برقریه اولورق ظهوره کلدی و هجرتک اوچنجی عصرندن صکره نوسع ایدرک مشهور جامع کبری ، انشا اولندی و بوکونه قدر اسلاملر اداره سنده بولمشدر .